

Gvangjsih Minzcuz Bau

Cawiguenj: Gvangjsih Bouxcuengh Swcigh Minzcuz Cunghgvau Swvu Veijvenzvei

Cawjbanh: Gvangjsih Minzcuz Bause

Geiz neix 8 bani

广西民族报

Aenhauh okbanj: CN45-0036

B.2022

Nd.7

Ng.13

Liggaeuq nyaemzyinz nienz ndwenroek cibhaj

Geizsoq: Gungh daih 3532 geiz

Siz Ginbingz Hoiz Saenq Hawj Lauxhangz Geq Cungguek Guekgya Bozvuzgvanj 习近平给中国国家博物馆的老专家回信

Sinhvazse Baekging 7 nyied 9 hauh dienh Cunghung Cunghyangh cungjsuhgi, guekgya cujsiz, Cunghyangh Ginhvej cujsiz Siz Ginbingz 7 nyied 8 hauh hoiz saenq hawj lauxhangz geq Cungguek Guekgya Bozvuzgvanj, youq mwh Cungguek Guekgya Bozvuzgvanj cauhaeb 110 hopbi, cukhoh caeuq camnai gyoengq vunz Cungguek Guekgya Bozvuzgvanj.

Siz Ginbingz youq ndaw saenq naeuz, gou bae yawjngonz Guekgya Bozvuzgvanj lai baez gvaq, miz yaenqsiengq naekna. Rox daengz

Gozboz youq souyo, yenzgiu, langh-baij, doiqrog doxgyau daengj fuengmienh ndaej baenaj moq, gou simangq raixcaix.

Siz Ginbingz giengzdih, bozvuzgvanj dwg aen dieg youqgaenj baujhoh caeuq swncienz vunzloih vwnzmingz, bouxguhong sawjmingh miznaj, cwzyin hungnaek. Maqmuengh gyoengq dungzei dingjmaenh aen cwngci fuengyiengq cinjdeng, dingjmaenh vwnzva gagsaenq, gyalai yenzgiu yozsuz, cauhoq langhbaij, doidoengh yungh ndei vwnzvuz, doicaenh vwnzmingz doxgyau doxhag,

henhoh ndei, swncienz ndei, langh-baij ndei gij cingzcik maenhndei Cunghvaz vwnzmingz, vih hwnghat vwnzboz saehnieb, vih hwnghat aen guek ak vwnzva sevei cuji laebdaeb ok goengrengz moq.

Ndanggaeuq Cungguek Guekgya Bozvuzgvanj dwg Gozliiz Lizsij Bozvuzgvanj Couzbeicu 1912 nienz 7 nyied laebbaenz. Cungguek moq laebbaenz le, youq baihdoeng Denh'anh-mwnz Gvangjczangz hwnghat Cungguek Gwzming Bozvuzgvanj caeuq Cungguek Lizsij Bozvuzgvanj, 2003

nienz song aen guenj gyonj baenz Cungguek Guekgya Bozvuzgvanj, 2012 nienz hwnghat gvangq le cingqsiq doiqrog haicuengq, seizneix doxgaiq souyo miz 140 lai fanh gaiq. Mboengqneix, 10 boux lauxhangz geq Gozboz raiz saenq hawj Siz Ginbingz cungjsuhgi, gaisau gij ginglig hwnghat Gozboz 110 bi doxdaeuj, bauqlwnh gij hong Gozboz souyo doxgaiq, baujhoh vwnzvuz, langhbaij daengj fuengmienh, gangjok le gij sim vunz Gozboz geiqmaenh sawjmingh vih hwnghat aen guek ak vwnzva ok goengrengz.



Yungzsuij:

300 Boux Lwgnyez Hag
dinfwngz Mbouj Aeu Cienz

融水：300 名儿童
免费学习艺术和织锦

7 nyied 7 hauh, Yungzsuij Myauzcuz Swciyen Vwnzva' gvanj banh aen ban son lwgnyez dinfwngz mbouj aeu cien, aen ban neix hai song aen singhiz, miz aen ban son lwgnyez ciengq go, vehdoz daengj, lij miz son feihvuzciz vwnzva yizcanj dem, 300 lai boux lwgnyez camgya hag.

(Liu Swjyenh ingj)

Gvangjsih Minzcuz Dayoz Doiok Song Gaiq Cawqleix Vah Saw

Saw Lai Aen Minzcuz Doxhoiz Ndaej

Diemjra, Coqhaeuj Sawndip Hix Ndaej

广西民族大学推出两款语言文字处理“利器”

实现多民族文字互译 方块壮字也能检索、输入

Mboengqneix, Gvangjsih Minzcuz Dayoz lwnh vunz lai rox, aen bingzdaiz lai cungj vah doxhoiz caeuq aen yonjgen coqhaeuj Sawcuengh aen hagdangz neix camgya yenzgiu haifat haenx cingqsiq goengbuh, aen bingzdaiz lai cungj vah doxhoiz gwnzsiengq doxhoiz Cuengh, Gun daengj lai cungj saw ndaej, aen yonjgen coqhaeuj Sawcuengh comz miz Sawcuengh gyoepyaem caeuq Sawndip song loh, diemjra caeuq coqhaeuj Sawndip ndaej.

Aen yonjgen coqhaeuj Sawcuengh dwg aen

yonjgen yungh daeuj cawqleix saenqsiq cihsaw ndeu, vih riengjret coqhaeuj Sawcuengh gyoepyaem, cingjleix vwnzyen sawgaeuq Sawndip daengj bae yenzgiu haifat okdaeuj. Aen yonjgen neix comz miz Sawcuengh gyoepyaem caeuq Sawndip song loh, baez naenx couh vuenh loh, coqhaeuj baez aen yinhce, couh miz lai aen sawloih okdaeuj, caiq mbouj lumj gaxgonq nei coqhaeuj baez cih baez cih, doengzseiz gangj Vahcuengh yaem biucinj coqhaeuj de hix rox ndaej, doenggvaq Sawcuengh gyoep-

yaem, bitveh gonqlaeng song loh fuengfap diemjra caeuq coqhaeuj Sawndip ndaej.

4 hauh, gicej hwnj gwnz muengx Aen Bozvuzgvanj Vahgangj Gvangjsih Minzcuz Dayoz yawjraen, aen bingzdaiz lai cungj vah doxhoiz, aen yonjgen coqhaeuj Sawcuengh gaenq yungh ndaej, bouxdoeg doiq neix mizyinx, hwnj gwnz muengx Aen Bozvuzgvanj Vahgangj Gvangjsih Minzcuz Dayoz (<http://language.museum.gxun.edu.cn/>) bae yawj bae ra.

(Luz Caudwz)